

評點葉案存眞類編卷上

古吳葉桂天士甫著

皖南建德周學海徵之類評

元孫萬青輯錄

諸虛勞損

凡憂愁思慮之內傷不足必先上損心肺。心主營。肺主

衛。二氣既虧不耐煩勞。易於受邪。惟養正則邪自除。

無麻桂大劫散之理。故內傷必取法乎東垣。今血止

脈。奕形倦不食。仍嗆欬不已。吐痰若粘涎。皆土敗金

枯之象。急與甘緩補法。此所謂外疾思慮而心虛。故

無大劫散。初起總宜兼解。外若連邪補住。永無愈期。

生黃芪

炒白芍

炙草

飴糖

南棗

太甘於痰欬不

葉案存真自序

先高祖臨症指南一書爲錫山華君岫雲所刻書成於乾隆丙戌風行海內余成童時涉獵及之不能識也後檢故紙得家藏方案一冊魯魚亥豕所在多有謬謂此必指南選刻所遺者亦憊置未暇究近年留心斯道因發篋讀之然後知先哲之所以享重名者久而彌光蓋自有在嘉慶丙子獲見天元醫案於研六齋周謝庵姨丈家精光騰躍歎爲希世之寶道光辛卯於城東陳順庵家復見方案摘錄百十條簡潔高妙洵爲門診之精華又不勝遺珠之歎因思華君居非同里又素不業醫能以數年採輯之勤沾丐後人厥功甚偉余爲裔孫獨

珍手澤而不公諸當世華君有知其謂我何但指南類
症分編余則一無去取亦不分門別目自愧識淺不敢
妄爲選擇姑還舊觀且自來醫家臨證雖多豈能盡備
而茲又篇帙無多乎其天元醫案中載馬元儀先生案
頗多皆神妙與先祖方案如驂之靳另附於後自爲一
卷而祁正明王晉三兩先生之案亦附焉世有好學深
思者或再搜採選刻則其功當不在華君下矣其拭目
以俟之

道光十二年歲在壬辰四月元孫萬青謹序

葉案存真原序

精氣神爲人身之至寶醫能保人所寶則醫書真寶書也軒岐而下惟仲景稱聖爲製方之祖嗣後英賢輩出各抒心得立法以啟後人方書充棟後之用法者能得古人法中之意而不泥於法則因病定方不執方以治病可也所難者在認症耳昔嘉言喻氏謂醫不難於用藥而難於認症故先議病後議藥丹溪朱氏著脈因證治一書亦以認症爲先施治爲後若但執某方治某病而至於何脈何因何症辨之不真焉能用之無誤寒熱虛實疑似甚多見病治病十無一效曷足怪哉吳中精於醫者代不乏人自葉香巖先生治稱神術百餘年

來無有繼其傳者惜其生平濟人事殷無暇著述如臨
症指南一書爲門人所採輯久已風行海內今復見醫
案存真三卷係其哲嗣 訥人先生彙集家藏方案成
編觀其施治之妙實由辨症之的其不惑於症之疑似
治之不違於法而又不泥於法者苟非根柢內經博涉
諸家其烏能洞徹陰陽標本隨症立方神明於規矩若
是哉至馬祁王三家醫案各抒精義製方附刊於後亦
足資後人採擇此書誠可寶也書旣成先生濟世之業
與其哲嗣濟世之心竝傳不朽而流澤孔長矣是爲序
道光丙申秋九月吳郡胡國英識

葉案存眞原序

昔者竊聞之孫真人以神鍼療龍神之疾神龍感之贈以禁方三十孫因著千金方三十卷每卷中雜一龍宮方今人亦不能一一指出何方爲龍宮所授惟相傳六味丸卽禁方之一試以此方論之山藥之甘地黃之苦丹皮之辛萸肉之酸澤瀉之鹹五味具備又以茯苓之淡調和之俾五臟六腑均受其益此其運用之妙誠不可思議哉由是知醫者之有方猶匠者之有斧斤繩墨非是無以成其事也吾鄉葉天士先生生在康熙初沒於乾隆十年工長桑之術身歷三朝名聞九域夫人而知之矣其謝世已九十餘年至今談方術者必舉其姓

字以爲仲景元化一流人也其生平所製方有萃錄成
編者其元孫訥人等校而授梓間敘於予夫人祖宗一
言一行無非彛訓所存凡爲子孫者必多方表章之以
寄其數典不忘之志況方書爲活人要術可以調元贊
化而消斯民天札癘疾之災者乎卽如龍宮禁方非孫
氏傳之世人又烏從而知之諺云施藥不如施方訥人
兄弟斯刻不特表揚先澤亦有合乎昔賢善與人同之
義又可緩乎哉是爲敘

道光丙申七月舊史氏石韞玉撰

評點葉案存真自序

卷一

竊嘗論之宋後醫書惟案好看，不似注釋古書之多穿鑿也。每部醫案中必各有一生最得力處，細心徧讀，是能萃衆家之所長矣。第非熟精靈素及仲景法者，中無權衡耳。葉先生於外感最長，于溫熱於雜病最長，于虛損總是最長，于治鬱而已。自來醫案皆自編輯，故必其證之稍新治之已效者，乃從而著之。其尋常易曉者不多見也。先生案輯於後人得失兼收，瑕瑜不掩，固其所矣。而案之宏富遂爲醫林中獨成一子，好學深思者正樂受而讀之，以觀其真，豈非盛事耶？國朝大醫私服張石頑及先生兩人，昔徐靈胎評點指南多所攻擊，視其

圈點如晨星落落想見筆在紙上如蜻蜓點水一往無
停學海術淺謝不敏矣祇求發揮本義未詳者申之未
備者補之未明者疏而闡之必其理之極難通與其法
之顯不合者乃從而疑之辨之末附馬元儀祁正明至
晉三三家亦皆一時之傑也讀之便覺滯澁不及先生
之圓相矣此天資之不可強也先生之學其於仲景元
化誠未知何如若東垣丹溪似有過之無不及也徐靈
胎陳脩園未勉輕薄口脗古人云爾曹身與名俱滅不
廢江河萬古流古今是非何日論定吁不論則定矣
光緒十九年歲在癸巳八月中浣建德周學海澂之書
於袁浦城內觀音寺之西院

凡例

一醫案皆係葉氏真本非若臨症指南間有雜湊及門
方案轉令魚目混珠

一方案不分門類仍沿昔日鈔本之舊閱者當分別觀
之

一古人用藥本無一定分兩隨症輕重用之方中有載
入分兩者亦仍其舊

一用藥有用別名者如申姜之類申姜疑卽猴薑不敢
妄易以俟博雅參攷

一載某府某人及年歲大小係當時門診及門所錄今

悉照原本刊刻



中醫藥大學圖書館版權所有

一研六齋藏本後有馬元儀方案及祁正明王晉三數案不敢沒美附刊于後

一醫案鈔本尙有圈點今不刻圈點者讀其文知其義明眼人自能辯之

一家藏復有女科數卷現在編校未成容俟續出

以上原文

攷先生所著書見行於世者有溫熱論兒科要略陶氏全生集評許氏本事方釋義本草經解至於指南與此書乃後人所輯真偽不分柯氏傷寒注評僅數條不爲成書若景岳發揮與先生平日言行不類僞託無疑且其書瑣屑苛刻與醫貫砭新方砭相近而遠遜於局方發揮溯洄集矣不足取也學海附識

評點葉案存真類編目錄

卷上

諸虛勞損

婦嬰別出

鬱

吐血

附衄

遺精

痰飲

即咳嗽哮喘

脇痛

咳嗽哮喘

此屬虛證

肺痿

胸痹

胃痛

吞酸噎反胃

嘔吐噦呃

吞酸食不化

腹痛

腫脹

頭痛

附瘰癧

七竅諸病

耳膿耳鳴目暗
目翳牙宣鼻淵

喉痹喉癢失音



水消狂癎不寐

傷力 附跌仆

漏瘍

痔血便血

淋濁溺血

二便不利 附泄瀉

卷下

溫熱

冬溫春溫伏氣新感

暑暍

溼溫

附疸

時疫

傷寒中寒

燥

眩暈

類中風

癱瘓偏枯拘攣抽掣顛仆

痺

痿

厥

脫

瘧

痢



中國醫藥大學圖書館藏

疝

癰疽積聚

傷酒

附漏風

痧疹

幼科

男女幼損

疳癰痘瘍

婦科

癰疽胃痛腹痛

經閉不調

附漏淋

妊娠雜病

產後雜病

感冒痢瘧
胃痛痞滿

蓐勞



評點葉案存眞類編卷上

古吳葉桂天士甫著

皖南建德周學海徵之類評

元孫萬青輯錄

諸虛勞損

凡憂愁思慮之內傷不足必先上損心肺。心主營。肺主

衛。二氣既虧。

凡治勞傷須先察有無外邪

不耐煩勞。易於受邪。惟養正則邪自除。

無麻桂大劫散之理。故內傷必取法乎東垣。今血止

脈。奕形倦不食。仍噎欬不已。吐痰若粘涎。皆土敗金

枯之象。急與甘緩補法。

此所謂外疾思慮而心虛故邪從之者也。內傷夾外邪。雖

無大劫散。初起總宜兼解外。若連邪補住。永無愈期。

生黃芪

炒白芍

炙草

飴糖

南棗

太甘於痰欬不

食未宜。○內傷夾外邪。重者急與驅邪。但須保定胃氣。及下元真氣。迨大勢已殺。乃急補之。若外邪本輕者。調理榮衛。是一捷法。即所謂養正則邪自除。

寒熱半年少時色黃。氣短欬嘔。是內損營衛。迭偏勞怯。

重病

此等證候。初起。總因外感失治。邪氣內陷。凡治勞。須急安未受邪之地。如前二案。病在土中。

二焦。治之却宜安下焦。為定法。

人參

茯苓

黃芪

炙草

煨薑

南棗

湖州

廿四

少壯病不復元。失於保養。延為勞嗽。胃氣尚

好。可與填精固下。

都氣丸。去丹澤。加胡桃肉。二仙膠。

都氣丸。即六味丸。加五味子。

幼年久有遺精。目疾。不耐勞煩。先後天未曾充旺。秋季

瘧邪再傷。真陰冬月夜熱。嗽痰失血。不饑不食。盜汗。

是陰傷。而邪陷之。

傷陽陽浮不藏漸干胃口皆久虛勞怯之象此恙屏
絕酒色怒煩須安閒坐臥百日必胃口漸旺病可漸
除古稱精生於穀食也嗽痰總因外邪未清雖不宜直攻總須設法兼治夜熱盜汗是陰分有邪營氣不安

北沙參 女貞實 茯苓 炒麥冬 米仁

川斛 芡實此證宜補陰中之陽俾得鼓舞正氣達邪于表所謂胃口漸旺則病

可除即此義也沙參麥冬清肅傷陽斂邪

正當生旺之年鬚蒼色變按人身髮屬心火而炎上眉

主肝木而曲直側生鬚應腎水內不足而色不向榮

且脈象弱芤男子精氣衰薄不為生育之徵法當寧

心神以處靜寡慾養精妙選無病瘦弱女質經調怡